

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«10» «04» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Գ. Սունդուկյանի անվան ազգային ակադեմիական թատրոն» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրեն Վ. Մկրտչյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1168. Արվեստների ծրագիր» ծրագրի «11005. Մշակութային միջոցառումների իրականացում» միջոցառման (տող՝ «Աջակցություն կրթամշակութային նախագծերին») (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «Դասարան+Դասական» ստեղծագործական կրթական ծրագիրը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

**2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,



2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,



2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

#### **2.4. Կազմակերպությունը պարտավոր է՝**

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ



թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5.0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան սույն պայմանագրի 4.1-ին կետով հաշվետվությունների համար սահմանված ժամկետից հետո 10 օրվա ընթացքում:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանն է հատկացնում է 26000.0 հազար (քսանվեց միլիոն) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը Կատարողին հատկացվում է սույն պայմանագրի կնքումից հետո, իսկ 20%-ը սույն պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

### **4. ՊԱՅՄԱՆԱԳՐԻ ԺԱՄԿԵՏԸ**

4.1. Սույն պայմանագրով նախատեսված միջոցառումների կատարման ժամկետը մինչև 2023 թ. օգոստոսի 11-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը:



4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

## **5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ**

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

## **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմնին հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝



ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհի ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

## 8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կա մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագրի կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարում: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումները իրավաբանական ուժ ունեն, եթե կազմված են գրավոր և ստորագրված են կողմերի կողմից:



9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

### ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն  
Հասցե՝ ք. Երևան, Վ. Սարգսյան 3,  
Կառավարական 2-րդ շենք  
ՀՀ ՖՆ գործառնական վարչություն  
Հ/Հ 900011032878  
ՀՎՀՀ՝ 02698732

Գլխավոր քարտուղար՝


  
Վ. Տարսյան  
Կ.Տ.



### ԿԱԶՄԱԿԵՐՊՈՒԹՅՈՒՆ՝

«Գ. Սունդուկյանի անվան ազգային  
ակադեմիական թատրոն» ՊՈԱԿ  
ք. Երևան, Գ. Լուսավորչի 6  
ՀՀ ՖՆ գործառնական վարչություն  
Հ/Հ 900018001496  
ՀՎՀՀ 02521652  
Հեռ.՝ /010/ 52-57-00

Տնօրեն՝

  
Վ. Մկրտչյան  
Կ.Տ.





## ԾՐԱԳԻՐ

«Դասարան+Դասական» ստեղծագործական կրթական

1	Կազմակերպության անվանում	«Գ. Սունդուկյանի անվան ազգային ակադեմիական թատրոն» ՊՈԱԿ
2	Կազմակերպության գտնվելու վայր	ՀՀ, ք. Երևան, Սուրբ Գրիգոր Լուսավորչի փող., 6 շենք
3	Ծրագրի անվանում	«Դասարան+Դասական» ստեղծագործական կրթական ծրագիր
3.1	Բովանդակություն	<p>ԴԱՍԱՐԱՆ+ԴԱՍԱԿԱՆ կրթական ծրագրի նոր փուլի շրջանակներում աշակերտները դերասանական փորձառություն ստանալու հնարավորություն կունենան:</p> <p>Ծրագրին կարող են դիմել ՀՀ դպրոցներում սովորող 10-12-րդ դասարանի սաներ: Ընտրությունը կկազմակերպվի մրցութային հիմունքներով: Մրցույթը կիրականացվի երկու փուլով: Նախ՝ աշակերտները կուղարկեն տեսաուղերձ պարունակող հայտեր: Հիմք ընդունելով հայտերի բովանդակությունն ու ստեղծարարությունը՝ կկատարվի առաջնային ընտրություն, և առաջին փուլը հաղթահարած աշակերտները կիրավիրվեն հարցազրույցի: Հարցազրույցի արդյունքում կընտրվեն ծրագրի մասնակիցները՝ 70 աշակերտ ՀՀ տարբեր դպրոցներից:</p> <p>Երկշաբաթյա ծրագիրը բաղկացած կլինի դասախոսություններից, վարպետաց դասերից, ստեղծագործական աշխատանքից: Աշակերտները կաշխատեն խմբերով՝ մենթոր-բեմադրիչների և դասախոսների հետ: Որպես վերջնարդյունք, կպատրաստվի առանձին էտյուդներից բաղկացած բեմադրություն, որը կներկայացվի հանդիսատեսին: Ծրագրի ընթացքում նախատեսվում է ունենալ հատուկ հյուր արտերկրից, ով կվարի վարպետության դասեր և դասախոսություններ:</p> <p>Ծրագրի ողջ ընթացքը կնկարահանվի, կպատրաստվի ընդհանուր 8 ֆիլմ, որոնցից մեկը կձևանոթացնի ծրագրի ողջ ընթացքին, 6-ը կներկայացնեն խմբերից յուրաքանչյուրի աշխատանքը, և 8-րդը կանդրադառնա ծրագրի արդյունքում ստեղծված էտյուդ-ներկայացմանը:</p>
3.2	Նպատակ	<p>Ծրագրի նպատակներն են՝</p> <p>ա/ Թատրոն-դպրոց կապի ամրապնդում: Ծրագրի շնորհիվ աշակերտները հնարավորություն կունենան ներգրավվել թատերական կյանքին ոչ միայն իբրև պասիվ հանդիսատես, այլ ակտիվորեն կմասնակցեն ստեղծագործական պրոցեսին: Սա միաժամանակ մեծապես կավելացնի աշակերտների հետաքրքրությունը թատերական աշխարհի նկատմամբ և կընդլայնի այս ոլորտում նրանց գիտելիքներն ու փորձառությունը:</p> <p>բ/ Մասնագիտական կողմնորոշում: Ծրագրի մասնակցությունը աշակերտներին ոչ միայն հնարավորություն կտա ծանոթանալ և</p>



		<p>աշխատել թատերական ոլորտի լավագույն մասնագետների հետ, այլ նաև փորձել սեփական ուժերը: Ռեժիսորների հետ անմիջական աշխատանքի արդյունքում աշակերտները բազմակողմանի կրնակալեն դերասանի մասնագիտությունը, ինչը կարող է նաև կողմնորոշիչ դեր կատարել մասնագիտական ընտրության հարցում:</p> <p>գ/ Գեղարվեստական կրթություն: Մշակութային ծրագրերի միջոցով աշակերտների համար ոչ-ֆորմալ կրթություն ապահովելը և գեղարվեստական արժեքներին հաղորդակից դարձնելը թատերական կրթական ծրագրի հիմնախնդիրներից է:</p>
3.3	Անցկացման ժամկետ	10.04.2023 - 10.08.2023
3.4	Անցկացման վայր	Երևան
3.5	Ակնկալվող արդյունքներ	<p>Ծրագիրը կնպաստի.</p> <ul style="list-style-type: none"> <li>✓ թատրոն-դպրոց կապի ամրապնդմանը,</li> <li>✓ դպրոցականների շրջանակում թատերարվեստի մասին գիտելիքների աճին,</li> <li>✓ մասնագիտական ընտրության հարցում կողմնորոշմանը,</li> <li>✓ արվեստի նկատմամբ հետաքրքրության աճին,</li> <li>✓ աշակերտ-արվեստագետ համագործակցությանը,</li> <li>✓ աշակերտների աշխարհընկալման ընդլայնմանը, մտահորիզոնի զարգացմանը,</li> <li>✓ պատանիների և երիտասարդների ստեղծագործական ներուժի բարձրացմանը,</li> <li>✓ արվեստի միջոցով բարոյահոգեբանական մթնոլորտի բարելավմանը:</li> </ul> <p>Ծրագրի ընթացքը կլուսաբանվի լուսանկարների և տեսաֆիլմերի միջոցով, որոնք կտեղադրվեն ծրագրի ֆեյսբուքյան էջում և յությոյան ալիքում, որի արդյունքում ծրագիրը հասանելի կդառնա էլ ավելի մեծ լսարանի:</p>
3.6	Ոչ ֆինանսական ցուցանիշներ	<p>70 մասնակից</p> <p>6 մասից բաղկացած 1 ներկայացում</p> <p>8 տեսաֆիլմ</p>


**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
 Հասցե՝ ք. Երևան, Վ. Սարգսյան 3,  
 Կառավարական 2-րդ շենք  
 ՀՀ ՖՆ գործառնական վարչություն  
 Հ/Հ 900011032878  
 ՀՎՀՀ՝ 02698732

Գլխավոր քարտուղար՝

\_\_\_\_\_ Հակոբյան

Կ.Տ.



**ԿԱԶՄԱԿԵՐՊՈՒԹՅՈՒՆ՝**

«Գ. Սունդուկյանի անվան ազգային ակադեմիական թատրոն» ՊՈԱԿ  
 ք. Երևան, Գ. Լուսավորչի 6  
 ՀՀ ՖՆ գործառնական վարչություն  
 Հ/Հ 900018001496  
 ՀՎՀՀ 02521652  
 Հեռ.՝ /010/ 52-57-00

Տնօրեն՝

\_\_\_\_\_ Վ. Մկրտչյան  
 Կ.Տ.





## ՆԱԽԱՀԱՇԻՎ

«Դասարան+Դասական» ստեղծագործական կրթական ծրագրի իրականացման ծախսերի

Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (հազար դրամ)	Գումարը (հազար դրամ)
<b>1</b>	<b>Աշխատանքային խմբի վարձատրություն</b> (ներառյալ հարկերը)*				<b>6840.0</b>
	Ծրագրի ղեկավար	ամիս	4	200.0	800.0
	Ծրագրի համակարգող	ամիս	4	190.0	760.0
	Ծրագրի կազմակերպիչներ (7 մարդ, 3 ամիս)	մարդ/ամիս	21	100.0	2100.0
	Ռեժիսորներ (6 մարդ, 2 ամիս)	մարդ/ամիս	12	150.0	1800.0
	Բեմական խոսքի մասնագետ	մարդ	6	230.0	1380.0
<b>2</b>	<b>Սննդի ծառայություն</b>				<b>1636.7</b>
	Սնունդ (82 մարդ, 12 օր)	հատ	1	1636.7	1636.7
<b>3</b>	<b>Հանրահոշակմանն ուղղված ծախսեր</b>				<b>8680.0</b>
	Ֆեյսբուքյան գովազդ	օր	60	2.0	120.0
	Գովազդային հոլովակ (տևողությունը՝ 35-40 վրկ.)	հատ	1	350.0	350.0
	Բաների տպագրություն	հատ	1	24.0	24.0
	Բաների տպագրություն	հատ	1	36.0	36.0
	Ամբողջական ծրագրի մասին հեռուստատեսային ֆիլմի պատրաստում (տևողությունը՝ 45-60 րոպե)	հատ	1	1550.0	1550.0
	Թատերախմբերի մասին պատմող ֆիլմերի սատուրաստում (տևողությունը՝ 35-50 րոպե)	հատ	6	900.0	5400.0
	Հաշվետու ներկայացումների նկարահանում (6 ներկայացում)	հատ	6	200.0	1200.0
<b>4</b>	<b>Կազմակերպչական ծախսեր</b>				<b>3860.0</b>
	Բեմանկարչական և լուսային ձևավորման ծառայություն (6 թատերախմբի համար)	հատ	6	160.0	960.0
	Վարպետաց դասերի անցկացման ծառայություն (12 օր, 5 ժամ, 4000 դրամ)	հատ	1	240.0	240.0
	Պրոյեկցվող նյութերի մշակման ծառայություն	հատ	4	50.0	200.0
	Ձայնադրման ծառայություն	հատ	6	110.0	660.0




ատերախմբերի համար բեմադրական պարագաների վարձակալություն	հատ	6	300.0	1800.0
<b>Տեխնիկայի վարձակալություն</b>				<b>650.0</b>
Պրոյեկտորի վարձակալություն (5 օր)	հատ	1	350.0	350.0
Էկրանի վարձակալություն (5 օր)	հատ	1	300.0	300.0
<b>ԸՆԴԱՄԵՆԸ</b>				<b>21666.7</b>
<b>ԱԱՀ**</b>				<b>4333.3</b>
<b>ԸՆԴԱՄԵՆԸ, ներառյալ ԱԱՀ</b>				<b>26000.0</b>
* Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով				
** ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:				

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
Հ/Հ 900011032878  
ՀՎՀՀ 02698732  
Գլխավոր քարտուղար՝

*Ն. Մարտիրոսյան*  
Հակոբյան



**ԿԱԶՄԱԿԵՐՊՈՒԹՅՈՒՆ՝**

«Գ. Սունդուկյանի անվան ազգային  
ակադեմիական թատրոն» ՊՈԱԿ  
ք. Երևան, Լուսավորչի 6  
ՀՀ ՖՆ գործառնական վարչություն  
Հ/Հ 900018001496  
ՀՎՀՀ 02521652  
Հեռ.՝ /010/ 52-57-00

Տնօրեն՝

*Վ. Մկրտչյան*  
Վ. Մկրտչյան





**ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ**

Կատարող կազմակերպությունը \_\_\_\_\_  
Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+/- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« \_\_\_\_ » \_\_\_\_\_ 2023 թ.

**Կատարող կազմակերպության  
ղեկավարը՝**

----- (անուն, ազգանուն)  
Կ.Տ.

**ՀՀ ԿԳՄՍ նախարարության՝  
փաստաթղթերն ընդունող  
պատասխանատու՝**

----- (անուն, ազգանուն)  
Կ.Տ.

**Կատարող կազմակերպության  
գլխավոր հաշվապահը՝**

----- (անուն, ազգանուն)



**ՊԵՏԱԿԱՆ ՄԱՐՄԻՆ**

ՀՀ կրթության, գիտության, մշակույթի և  
սպորտի նախարարություն  
Հասցե՝ ք. Երևան, Վ. Սարգսյան 3,  
Կառավարական 2-րդ շենք  
ՀՀ ՖՆ գործառնական վարչություն  
Հ/Հ 900011032878  
ՀՎՀՀ՝ 02698732

**ԿԱԶՄԱԿԵՐՊՈՒԹՅՈՒՆ**

**ԱՐՁԱՆԱԳՐՈՒԹՅՈՒՆ  
ՀԱՆՁՆՄԱՆ-ԸՆԴՈՒՆՄԱՆ**

ք. Երևան

«    » «    » 2023

Պայմանագրի համարն ու կնքման ամսաթիվը՝ N ՄՇԴ «    » «    » 2023 թ.

Պետական մարմինը՝ ի դեմս ՀՀ կրթության, գիտության, մշակույթի և սպորտի  
նախարարության գլխավոր քարտուղար \_\_\_\_\_-ի (անուն,  
ազգանուն) և կազմակերպությունը, ի դեմս «

նախագահ \_\_\_\_\_-ի (անուն, ազգանուն), հիմք

ընդունելով պայմանագրի կատարման վերաբերյալ բովանդակային վարչության «    » «    »  
2023 թ. եզրակացությունը, ինչպես նաև նախարարության հաշվապահական հաշվառման  
վարչության «    » «    » 2023 թ. N «    » եզրակացությունը, կազմեցին սույն արձանագրությունը  
հետևյալի մասին.

Կազմակերպությունը պայմանագրի շրջանակում իրականացրել է  
միջոցառումը, իսկ պետական մարմինը  
վճարել է դրա դիմաց՝ պայմանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Գլխավոր քարտուղար՝

\_\_\_\_\_  
Կ.Տ.

Գլխավոր քարտուղարի տեղակալ՝

\_\_\_\_\_

**ԿԱԶՄԱԿԵՐՊՈՒԹՅՈՒՆ՝**

Տնօրեն՝

\_\_\_\_\_  
Կ. Տ.